



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 1340300000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-754/26

Datum:27.02.2026.. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14, 59/22 i 50/24), na svojoj 30. sjednici održanoj dana 27.02.2026. godine, donosi

ODLUKU

o izboru najpovoljnijeg ponuđača za nabavku
laboratorijskih reagenasa za zatvorene sisteme - LOT 7

Član 1.

Okvirni sporazum za nabavku laboratorijskih reagenasa za zatvorene sisteme – LOT 7 – Reagensi za HPLC analizator za određivanje HbA1c za JU „Dom zdravlja“ Zavidovići za 12 mjeseci, dodjeljuje se ponuđaču **Broma bel d.o.o. Banja Luka.**

Član 2.

Ponuda ponuđača Broma bel d.o.o. Banja Luka, u provedenom otvorenom postupku javne nabavke, bila je prihvatljiva ponuda i imala je najnižu cijenu, te će se ovom ponuđaču ponuditi Okvirni sporazum za nabavku laboratorijskih reagenasa za zatvorene sisteme – LOT 7 – Reagensi za HPLC analizator za određivanje HbA1c za JU „Dom zdravlja“ Zavidovići za 12 mjeseci za JU „Dom zdravlja“ Zavidovići, u ukupnom iznosu od **12.188,96 KM bez PDV-a**, a što sa PDV-om iznosi 14.261,08 KM.

Član 3.

Izabrani ponuđač **ne mora dostaviti** original ili ovjerenu fotokopiju sljedeće dokumentacije:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje,

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

e) potvrdu (rješenje) o upisu u registar proizvođača ili veletrgovaca medicinskih sredstava kod Agencije za lijekove i medicinska sredstva BiH.

Član 4.

Izabrani ponuđač ne mora dostaviti original ili ovjerenu fotokopiju dokumentacije iz člana 3. ove odluke iz razloga jer je u ponudi dostavio ovjerenu fotokopiju sljedećih dokumenata:

- a) Uvjerenje suda Bosne i Hercegovine, br. Su:03-12970/25 od 11.12.2025. godine, da protiv ponuđača nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca, a sve u smislu člana 45. stav 2. tačka a) Zakona o javnim nabavkama – ovjerena fotokopija od 21.01.2026. godine,
- b) Uvjerenje Osnovnog suda Banja Luka br.071-0-Su-I-25-004892 od 12.12.2025. godine protiv ponuđača nije podignuta optužnica koja je stupila na pravnu snagu i nije izrečena pravosnažna presuda za krivično djelo učešća u kriminalnoj organizaciji, za korupciju, prevaru ili pranje novca – ovjerena fotokopija od 21.01.2026. godine,
- c) Uvjerenje Okružnog privrednog suda u Banja Luci br. 057-0-Su-II-25-003140 od 11.12.2025. godine, da ponuđač nije pod stečajem niti je predmet proglašenja stečajnog postupka, nije predmet postupka likvidacije, niti je u postupku obustavljanja poslovne djelatnosti u smislu člana 45. stav 2. tačka b. Zakona o javnim nabavkama – ovjerena fotokopija od 21.01.2026. godine,
- d) Poresko uvjerenje br.06/1.02/0704-455.2.1-131963/2025 od 12.12.2025. godine da je ponuđač izmirio sve dospjele poreze, doprinose na lična primanja i sporedna poreska davanja – ovjerena fotokopija od 21.01.2026. godine,
- e) Uvjerenje Uprave za indirektno oporezivanje – Regionalni centar Banja Luka, br. 02/6/I-16-11-21-8802-2/25 od 11.12.2025. godine, da ponuđač nema dospelih a neizmirenih obaveza po osnovu indirektnih poreza, ostalih prihoda i taksu – ovjerena fotokopija od 21.01.2026. godine,
- f) Rješenje o upisu u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-2-9382-4/23 od 04.01.2024. godine – ovjerena fotokopija od 21.01.2026. godine,
- g) Rješenje o izmjeni rješenja, broj: 10-07.12-2-9382-7/23 od 29.02.2024. godine – ovjerena fotokopija od 21.01.2026. godine.

Dokumenti navedeni u stavu 1. ovog člana evidentirani je u Zapisniku o pregledu i ocjeni ponuda, broj: 01-2.13-693/26, a u Tenderskoj dokumentaciji, broj: 01-2.12-84/26 od 22.01.2026. godine, u tački III-1. OSTALI USLOVI ZA KVALIFIKACIJU, podtačka „2. Spособnost obavljanja profesionalne djelatnosti – član 46. Zakona“, je propisano:

„Izabrani ponuđač će morati dostaviti potvrdu (rješenje) o upisu u registar proizvođača ili veletrgovaca medicinskih sredstava (dokaz pod b)), u originalu ili ovjerenoj fotokopiji, u roku od 8 dana, od dana zaprimanja obavještenja o rezultatima ovog postupka javne nabavke.

Ukoliko ponuđač u svojoj ponudi dostavi potvrdu (rješenje) o upisu u registar proizvođača ili veletrgovaca medicinskih sredstava, isti se oslobađa dostavljanja izjave pod tačkom b) u svojoj u ponudi (Izjava ponuđača, potpisana i ovjerena od ovlaštenog lica ponuđača, da je ponuđač upisan u registar proizvođača ili veletrgovaca medicinskih sredstava kod Agencije za lijekove i medicinska sredstva BiH).“

Osim navedenog, u tački, USLOVI ZA KVALIFIKACIJU -1. Lična sposobnost (član 45. Zakona o javnim nabavkama), stoji i NAPOMENA: koja glasi:

„Ponuđač može uz Izjavu o ispunjenosti uvjeta iz člana 45. stav (1) tač. a) do d) Zakona tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obveze naknadnog dostavljanja dokaza ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.“

Član 5.

Ova odluka stupa na snagu danom donošenja.

Obrazloženje

Obavještenjem o nabavci br. 638-1-1-52-3-31/26 koje je objavljeno na portalu javnih nabavki dana 22.01.2026. godine i u „Službenom glasniku BiH“, broj: 7 od 30.01.2026. godine, pokrenut je postupak javne nabavke laboratorijskih reagenasa za zatvorene sisteme za JU „Dom zdravlja“ Zavidovići za 12 mjeseci, putem otvorenog postupka javne nabavke.

Nakon objave obavještenja o nabavci, tendersku dokumentaciju za predmetnu nabavku sa portala javnih nabavki preuzelo je 7 ponuđača i to: EKAPIJA, BBS EUROPE, BROMA BEL D.O.O. BANJA LUKA, BERG D.O.O., TENDERI D.O.O., DIMED D.O.O. SARAJEVO I MEDICOM D.O.O.

Na adresu JU „Dom zdravlja“ Zavidovići dostavljena je jedna ponuda i to: Broma bel d.o.o. Banja Luka.

Nakon pregleda dostavljene dokumentacije Komisija za javne nabavke utvrdila je da dostavljena ponuda odgovara uslovima iz tenderske dokumentacije, odnosno da je prihvatljiva ponude.

Procijenjena vrijednost javne nabavke za LOT 7 iznosi 12.190,00 KM.

U ovom postupku nabavke predviđeno je provođenje e-aukcije.

"E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku laboratorijskih reagenasa za zatvorene sisteme – LOT 7 – Reagensi za HPLC analizator za određivanje HbA1c za JU „Dom zdravlja“ Zavidovići za 12 mjeseci, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), jer je u članu 4. stav 2. istog Pravilnika propisano: “U slučaju prijema jedne prihvatljive ponude e-Aukcija se ne zakazuje“

Kako se e-aukcija nije mogla zakazati ovaj ugovorni organ je postupio u skladu sa članom 4. stav 2. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog otvorenom postupku javne nabavke za nabavku laboratorijskih reagenasa za zatvorene sisteme – LOT 7 – Reagensi za HPLC analizator za određivanje HbA1c za JU „Dom zdravlja“ Zavidovići za 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. Broma bel d.o.o. Banja Luka,
2. a/a.

**PREDSJEDNIK
UPRAVNOG ODBORA:**
Mehić Elvir, dipl. pravnik

